

## Nuõrttsää'm ķiõlljuâggtõõzz noormtummuž 27.11.2015

### Nuõrttsää'mķiõl nomiini abessiivâst rä'tķķeem-miârķ, jõs sää'nn poott t-bu'kvaa'je

Ķiõlljuâggtõs siâzztâall rä'tķķeem-miârķ âânnmõõžž nomiini abessiivâst, ko sää'nn poott t-bukvaa'je: ouddm. aaut'tää. Sää'mķiõl ķiõllvuâ'ppes škoou'li vääras -ķee'rjest lij vuâppõs, što ââ'net certldõõgg, jõs sää'nn poott t-bukvaa'je. Lää'dd-sää'm sää'nķee'rjest leät âânnam kuuitâg rä'tķķeem-miârķ, ouddm. s. 165 põõrt'tää.

Sâbberest puõ'di ou'dde, što ķiõlljuâggtõõzz âlgg puõttivuõdâst ķiõtt'tõõllâd certldõõgg âânnmõõžž da nomiini abessiiv -tta-loopp âânnmõõžž, ko tän räjja leät âânnam pâi -taa da -tää-looppid.

### Nuõrttsää'mķiõl täävtummše vuâ'pstõõzzid

Ķiõlljuâggtõs priimi Merja Fofonoov noorrâm vuâ'pstõõzzid nuõrttsää'mķiõl saa'ni täävtummšest:

Konsonanttõõzzin vwei'vv-vuâkkõssân vwei'tte ââ'nned, što õhtt konsonanttmiârķķ pääcc puõ'tti tavvu.

<i>yxx</i>	<i>yx-x</i>
<i>vuâ'stted</i>	<i>vuâ'st-ted</i>
<i>mainsted</i>	<i>mains-ted</i>
<i>kâ'mrded</i>	<i>kâ'mr-ded</i>

Täävvcertldõõgg pâi'ķķ lij tee'mestiõtt mânġa vokaali da diftoõġi mânġa.

<i>ķeeu'nik</i>	<i>ķeeu'-nik</i>
<i>ku'e'lest</i>	<i>ku'e'-lest</i>
<i>haa'lääm</i>	<i>haa'-lääm</i>
<i>vuõ'i'nim</i>	<i>vuõ'i'-nim</i>

Täävvcertldõõgg pâi'ķķ konsonanttõõzzâst lij mânġa rä'tķķeem-miârķ, vwei'vv-vuâkkõõzz mie'ldd nu'tt što konsonanttõõzz mââimõs konsonantt alttad puõ'tti tääv.

<i>mätt'ted</i>	<i>mätt'-ted</i>
-----------------	------------------

Tee'kst ķiõtt'tõõllmõõžžâst riâddvâajtõõzzâst täävvcertldõõgg pâi'ķķ lij vokaal le'be diftoõġ, da tõid seu'rjeei tee'mestiõtt mânġa riâdd looppâst. Riâdd ij vwei't ä'lġġed tee'mestiõttin.

### Nuõrttsää'mķiõl ķee'rjtummuš teâttmašinain

Nuõrttsää'm ħiõlljuâggtõs siâzztââll, što nuõrttsää'mħiõl teâttmašinain ħee'rjte'mmen ââ'net Tim Feist -näppäimistöajuri meâldlaž miârkid, ko ħee'rjtet tee'mestiõtt ' , rä'tħħeem-miârk ' da ra'vves tää'zz miârk ' .

Ķiõlljuâggtõs tuâtt, što sää'mħiõl ħee'rjtummuš teâttmašinain o'nnast pue'rben Tim Feist -näppäimistöajuriin, ko Windows jiijjâs ajuri ij tuâim nu'tt puârast nuõrttsää'mħiõlâst. Tim Feist -näppäimistöajuri pirr vuâitt kõõččâd Tiina Sanila-Aikiost (tiina(at)sanila.fi). Son juâkk tõn odđmõs versio da vuâitt še vuâ'psted âânnmõõžžâst.